



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

VIII. Hvmanæ Beatitvdinis Radivs Ex Gemma Carbvncvlo. Ven. Arn. S.
Rom. Ecclesiæ Cardinalis.

urn:nbn:de:hbz:466:1-42763

- - - Provincia cùm te
Rectorem accipiet, miserere inopum Sociorum,
Offa vides Regum vacuis exsucta medullis.

Justitia Principes constituit, Clementia confirmat. Maxima Principum fælicitas, posse servare. Nocere multi possunt, prodesse pauci. Mordere, invidere, beluarum est; servare, hominum. Hoc opus est *Magni Constantini*, hoc omnium Augustorum, hoc opus *Christi*, hoc ipsius *DEI*. Plura Clementiā quām severitate Principes perficiunt: oleum etiam vulnera mordet. In *Leonis* vestigio nunquam unguis videbis; nam cùm graditur, unguis, in vagina recondit. *Dormiat* igitur *Fulmen*, & utiliter tantum sœviat. Vbi Clementia non proficit, tum Cœli tumultus permittitur, tum minæ, tum corusca lux, tum incertus pavor mitendus. Datur significatio, ut fugiant à facie arcus; cùm unum ferit, pluribus parcit; solida querit Fulmen & conterit, cineribus semper ignoscit, omnes corrigit. Renovari post tempestatem Natura rerum videtur; cœlum serenius, aér purgator, aquæ fæliciores, atque, ut Græci vocant, *astrapæ*, terra fœcundiùs respirat. Rara nihilominus fulmina, &c, cùm tot influentias, tot imbræ, quibus *Jupiter in letam tellurem descendit*, Orbis noster sentiat, rariūs verberatur. Beneficia sœpe conferenda, offensiones & invidiosæ poenæ citò & semel expediendæ sunt. Qualis VEN. *Arnestus* in Clementia fuerit, jam antè diximus. Ea silegantur, meritò hunc ei *Ceraunia ac fulminis radium* deberi quisq; fatebitur.

VIII. HVMANÆ BEATITUDINIS RADIVS

EX GEMMA CARBVNCULO.

VEN. ARN. S. ROM. ECCLESIAE CARDINALIS.

Carbunculus gemma est igniti carbonis specie. Pingi igitur *Candelabrum* supra modium (ut ad Evangelicam parabolam alludatur) & in candelabro, Facis loco, gemmam *Carbunculum*, radios quaquaversum mittentem constitue. Fortè

Hhh 3

aptius

Gemmarius in Encyclopaedia Naturae Scientiarum lib. 50 C. 4.

Carbunculus
Cardinalitatis digni-
tatis symbo-
lum.

aptius in Cardinalitio Galero Carbunculus statueretur; adde Epigraphen: *Luceat lux vestra*. Aut etiam: *nec lucens consumitur*.

Nobilem hanc dotem *Carbunculo* dedit Natura, ut, licet velut ignis luceat, non tamen ut ignis mucescat. *Lux mea sorde caret*, dicere potest. Adde, quod innoxius est, & lucis beneficium sine damno dispensat; immo & sine lucro suo; nihil enim alienum depascitur; suâ virtute contentus, clamatque: *caret mea flamma periclo*. Sed & illud mirabile, quod de Carbunculo tradidit Plinius: *tunc lucem magis detegit, cum sursum attollitur; itaque cum altior, clarior*.

Hunc *Carbunculi Radium*, quem in Romana Purpura Summus Pontifex dedit, quis ausit Ernesto negare? Quanquam breve illud honoris tempus fuit. Nam cum Purpura donabatur, mortuus, prius propè gloriam cœlestem, & divinum Solem aspexit, quam hâc Aurora Purpurâ radiaret Ernestus, vixque in titulum sepulchri Purpura sufficit.

RADIVS EMINENTISSIMÆ PURPURÆ.

Pericula di-
gnitatum.

Multi fælicitate, velut onere, franguntur, qui adversis frangi non potuerunt. Maximum onus honor est, & aurum, plumbo gravius. Infælicitas bene tolerata fit fælicitas; dignitas & fælicitas (nisi fælicitate continuetur) fælicitas non est. Miser ut fælix fiat, eger unâ patientiâ. At fælix in dignitatibus esse non potest, nisi præsidio plurimarum virtutum. Aurum probant homines, sed ijdem sëpius ab auro & honore probantur. In dignitate vero serum est bonum fieri. Quis veterum Cæsarum in Imperio melior factus? vix unus *Vespasianus* nominabitur; quia nescit imperare; qui nescit subesse. Arundo in piscinis assurgens à radice, caret nodis; in alto, dum excrevit, nodosa est; sic quibusdam contingit, cum ascendere, vix se ferunt, & ventis agitatae crebro impingunt. Omnis locus altus facit vertiginem; cœlum ipsum, securissimum licet, rotatur, & nubibus obducitur; & quamvis igne lædi non possit, inhonoratur nube. Aurum quoque, dum probatur, etsi non pereat, tamen ex inanibus

pa-



paleis, & adulatio[n]e liquef[er]it (flamma enim honor est) ergo Tier. lib. 45.
hieroglyph.
aureos etiam *mores* *mutant* *honores*. Fælicior *Carbunculi* Natura
non læditur flammis; in similem naturam ignis non agit; nati
ad Imperium non mutantur. Flamma Carbunculi frigida est:
sinè nube semper coelo invidiosè lucet, nec diem distinguit nec
noctem. Ob hanc gloriam *Carbo* unicus thesaurus esse potest,
vetusque illud refutat proverbium, quo *thesauri inanes, fieri car-*
bones dicuntur. Hac virtute ad miraculum propè VEN. Arnestus
claruit, in quo nihil mutaverunt honores; jam in Naturam lu- Vestigium Dei
Bohemie Dia
C. 189.
cem converterat, & velut Carbunculus, suâ se virtute involvens,
durabat. Hoc unum coelitus sibi repeti audiebat: *Luceat lux*
vestra! doctrinæ sanitatem, & exempli bonitatem. Erat *lucens car-*
do & carbo Romanæ Ecclesiæ Purpuratus, qui ad frigus lapidis, ad-
debat ardorem Charitatis. *Lampades ejus, lampades ignis, atq;*
flammarum. Hic igitur Radius Praesuli Nostro debetur, eumq;
donat Bohemia; cuius etiam in sinu hoc pretiosi lapidis genus,
et si perraro, reperitur.

Octo Cœlestis Vitæ Beatitu-
dines, quibus, velut totidem Radijs,
VEN. Præsul ARNESTUS in Ecclæ-
sia DEI reluxit.

CAPUT XXIV. & ULT.

Spectasti, Lector, priore Capite Arnestum, octo humanæ
Felicitatis ac Beatitudinis radijs coruscum, velut Solem.
Nunc totidem, sed cœlestibus radijs fulgentem aspicies.
Virtutum Gemma, rursum radios facient; à quibus si te quoq;
irradiari permiseris, proh! quām serenus eris,

I. COE-